



UNIVERSITÄTS-
BIBLIOTHEK
PADERBORN

Provincia Mexicana.

[urn:nbn:de:hbz:466:1-67132](#)

Visual Library

PROVINCIA
MEXICANA.



VNT in Mexicana Trouncia sedes octo, fratres centum, & quinquaginta. In Collegio Mexicano circiter octoginta. In Angelopolitanu duodeuiginti. In Guaxacano duodecim. In Vallisoletano non plus quinque. In Tepotzotlana Residentia nouem. Vndecim in Pascuarense. In Domo S. Crucis omnino septem. Vno plus in sede Manillæ. Adscripti sunt octo. Neminem toto quadriennio mors abstulit, que est celi de mentia, Deiq, Opt. Max. in seruanda nostrorum patritate benignitas.

MEXICANVM COLLEGIVM.

MEXICANI agri fertilitas propter infinitam pene Hispanorum, Indorum, servitorumq. multitudinem tanta est, ut demetendis fratribus operæ desint. Sed quæ de frequenti hominū cœtu, siue ad audienda diuina verba, siue ad capessenda sacra mysteria, scripta sunt alias, nihil est, cui bis litteris repetamus. Augentur quotidie conuentus ex eo hominum genere, qui misera egestate compulsi Mexicanum nauigant; sed numquam tamen

ita sunt aucti, ut cum Hispanias proxima fames
exercuit. Quo ex loco quoniam non sine ritæ discri-
mine plurimi soluunt (accidit enim fere semper, ut
vel nauigationis molestia, vel portus incommodo,
plerique graues ac periculosos morbos contrahant,
aut in ipso littore miserabiliter extinguantur) di-
uina bonitate comparatum est piorum hominum
subsidiū, qui his morbis ærumnisq. succurrant.
borum autem cum pietate, nostrorū se quoque pie-
tas studiumq. coniungit: qui suam proxime operam
tam strenue animis corporibusq. naurunt, ut ex
oppido S. Crucis, quod sex dierum itinere Mexico
distat, egentes viros ac feminas partim curribus,
partim equis, septingentos in urbem inuixerint.
Est autem in vrbe Domus ad id destinata sat ampla,
quam tres ipsos menses duo de nostris ingenti eo-
rum, qui laborabant, & voluptate & commodo
frequentarunt. Quod ad litteras attinet, ea tra-
duntur auditoribus ferme trecentis, non solum pri-
mae, & que latīna tantum linguae cognitione, sed
etiam interiores, & que Philosophie, ac Theologiae
nomine continentur. atque ea est de nostrorum
cum docendi ratione, tum doctrinae præstantia op-
nio hominum, ut non modo celebretur à iuuentute
Gymnasium, sed etiam petantur à præsulibus adiu-
menta doctorum. Aduocarunt enim nostros in con-
cilium suum Episcopi, ab ijsq. cum sui decreta
concilij redigi in ordinem voluerunt; tum cate-
chismi conficiendi negotium, quo uno omnes in
erudiendis Hispanis atque Indis veterentur, de-
M 2 derunt.

derunt. Studium autem Mexicanæ linguae primos intra parietes inchoatum, numquam intermititur. Itaque tanti in ea progressus habentur, ut magna Deo duce spes sit, fore, ut cū primū litterarū suā nostri persoluerint; uberrimo cum fructu nuant operam animis. Sane incredibilis est messis ueritas, quæ tantò celerius linguam nostris acuit, quand expectatio utilitatis est maior. Cerni licet in patenti Collegij loco quatuor & eo amplius Indorum milia, tanto animi sensu, ac lacrimarum effusione concionatori nostro operam dare, ut vel eis sapenumero, qui ad hanc ipsam linguam surdi sunt, lacrimæ sponte profluant. Nec vero ad horam meliores fiunt, aut idem abeunt, qui venerant. ponunt quas attulerant noxas, & ad curandas animi plaga se repente conuertunt. Sacramentorum medicinas tam studiose querunt, ut ad nos vcl aegri, & qui non procul absunt à morte, in ipsis lectulis deportentur. Indus cum esset integer ac bene ualens, videre sibi visus est per quietem eximium quemdam splendorem lucis, et uocem huiuscmodi audire. Oca chitona, hoc est, non ita multo post. quibus uerbis non obscure sensit, supremum sibi prædicti diem, & finem adesse uitæ. Ergo ad eum se diem comparans, Domini, inquit, sum, nihil abnuo si ita fert diuina uoluntas: nec recuso quo minus hinc euolem. mox febris ardore corruptus, deduci se iubet ad nos, & munit animum sacramentis: nec ita multo post, ut uox illa monuerat, ex his tenebris in illam lucem excessit. Longum est exempla congerere. mul

ta sunt ad Indorū declarandam pietatem proximis
scripta litteris. Addatur hoc dumtaxat de puero
infante, cuius admirabilis obitus silentio prætereun-
dus non videtur. qui quatuor natus annos, tanta au-
ditate Christianæ rudimenta legis arripiebat, ve
nullus ei lusus videretur esse iucundior: neque ea
ipse modo celeriter hauriebat, sed ea quoque soro-
rem paruam, & aqualesq. pueros edocebat. is cum in
morbum incidisset, continuo nostrorum apud Deum
suffragationes & preces petiit: & ad extremum Sa-
cerdotem nostrum, qui migranti sibi adesset, ac-
cessit. nocte media quasi missionis veniam à pa-
rentibus petens, Valete, inquit, parentes mei, ad Pa-
trem enim ascendo Deum. atque in his verbis ex-
cessit è vita. Fratrem autem paucis diebus post, so-
ror ipsa vnum atque alterum agens annum, ijsdem
verbis in ipsa vitæ clausula parentes affata, felici
exitu subsecuta est.

Sunt et in Mexicano Collegio, ut ceteris locis, so-
dalitates & contubernia, quibus cum utilitate So-
cietas præst. Contubernia sunt duo, ex adolescenti-
bus centum & triginta. Sodalitas non plus vna,
Dei Matri dicata, è Sodalibus septuaginta: in qui-
bus virtus & pietas primas habent: secundas, ut
par est, litteræ & sapientia: quarum illi quotidie ma-
xima cum priuatim, tum publice dant inditia. Sed
sit iam huius Collegij finis, et reliqua, ut instituimus,
perstringamus.

IN TEPOTZOTLANA Sede vni In-
dorum saluti consulitur, & domesticos intra parie-

M 3 181

tes Othomitarum lingua perdiscitur, cum propter
ministrorum inopiam, tum propter multitudinem
populorum. quorum lingua et si multis antea suds-
ribus parabatur, nunc partim opera industriaq. no-
strorum, partim etiam alienis opibus atque adiun-
tis, reddita est ad docendum discendumq. facilita-
ut sacerdotes quinque non longi temporis exercita-
tione, & expedite pro concione loquuntur, & sine
difficultate peregrinas confitentium voces agno-
scant. Hæc ut plurimum ignoratur à Parochis: at-
que ob id ipsum multi sibi existimant à Societate
animorum petenda esse præsidia. Numerum por-
ro & frequentiam hominum par propè comitatur
utilitas. pulsa est ex Indorum moribus, qua in ple-
risque dominabatur ebrietas, atque ita pulsa, ut cū
ad conuiuum à vicinis oppidis inuitentur, malint se
ab eis despici ac derideri, quam ut vocantibus mo-
rē gerant. Appellantur per ludibrium Hypocrites,
& plenis nonnūquā poculis perfunduntur: alijsq.
petuntur coniutijs ac maledictis; quæ tam illi tam
aquis & tam gaudentibus ferunt animis, ut eos ip-
sos, unde sunt læsi, ad paenitentiam persepe renocet.
In miraculis id Hispani ducunt, homines eò usque
vino deditos tam subito mutare naturam: in eoq;
cramentorum vim agnoscunt, quæ illi crebro, & cū
pietate tractant. solent enim eius rei causa frequen-
ter ex agris remotisq. locis hic conuenire, tanto
cum bono, ut ab ijs maiora, quam præbent, virtutis
documenta non postules. Constantem pudicæ femi-
næ animum cum flectere ad obsequium viri impu-
dens.

dens nec minis, nec muneribus posset, diu multumq.
quaesitam, tandem in deserto & ab arbitris remoto
loco solam offendit. hic eā ad flagitium inuitat, hor
tatur nolentē, cohībet reluctantem; apprehensisq.
manu crinibus diu raptat, pugnis cādit, pedibus con
culcat ac proterit. vbi nihil impetrat, ad arborem
alligat, verberibusq. crudeliter accipit. ad extremū
cum furor cresceret, educō ē vagina gladio, mortē
atrociter minitatur. at illa inuicto semper animo,
Malo, inquit, corporis mihi vitam assiduis cruciati
bus eripi, quam erectum virginitatis florem cū sem
piterno dedecore deplorare. Erat quō posset progre
di nefaria hominis audacia, nisi quorundam retar
daretur aduentus: sed quō progredieretur muliebris
constantia, nō erat. Pari in laude ponenda est alia mu
lier, quae se ad necem vsque vexari ac dilacerari ma
luit, quam ut virginitatem, quae à flagitioso homine
petebatur, amitteret. Atque hæc eō sunt admirata
digna maiore, quod hoc hominum genus est
ad libidinem procliviissimum. Sed quid hæc argu
menta colligimus, percepta semel ex disciplina no
stra virtutis? Indus cum palam multa peccaret,
audissetq. à nostris, qui publicè peccasset, eum pu
blicè quoque pénitere oportere; nullius adhibito
consilio, tum cum diuina mysteria uniuersi populi
frequentia celebrabantur, in templum uenit, &
elata claraq. uoce summo doloris sensu sua scelerata
patefecit. quae res Prætorem, & qui præsentes ade
rant, ita permonit, ut lacrimas nō tenerēt. Alius cū

M. 4 ad

ad magnas diuitias vi ac rapina, nullis suis sudoribus peruenisset; edoctus pro concione, quæ male parta essent, dominis esse reddenda; nulla habita personæ ratione, Prætorem continuo adit, & clandestina sua furtæ rapinasq. commemorat: conuocat iubet eos, quibus se aliquid debere cognosceret; & è re sua familiari, ingenti hominum admiratione, optima ijs queaque distribuit. Idem salutis studium locis in finitimus cernitur. Pagos obeunti sacerdoti nostro Indus occurrit, eumq. velut numen aliquod reverens, suas deductum in aedes tecto excipit. hic et permultas Beatorum Sanctorumq. virorum imagines, eleganter sciteq. pictas ostendit. prodit sacros calices, & cetera templi ornamenta non pauca; futuræq. adis monstrat initia. Tum ad Patrem, Quorsum hæc, inquit, omnia, nisi vt, quæ tam copiose Te potzotlani se exhibet diuina misericordia, ea apud nos quoque aliquando diuertat? Cum autem hic ipse sacerdos in exiguum remotamq. casam deuissimis iteribus incidisset, duos offendit Indos, non minus morbo, quam aestate confectos; qui rato vita tempore confessionis medicina caruerant. his ille confitentibus vix aures dedit, cum extremum vita spiritum sane quam feliciter ediderunt. Postea ex itinere evocatus ab ægro, qui ex senectute animam prope agebat; maximo fuit seni ipsi solatio: vt enim Patrem æger aspexit, lacrimas præ voluptate fudit, statimq. ad amplexum exiliens, Nunc demum, inquit, mihi spes salutis ostenditur, cum te hoc contulisti. hunc Pater bortatur: primum, vt immortali Deo

gra-

gratiam habeat; deinde rubore pulso, peccatorum euomat virus. Senex vbi erigere animum & respirare cœpit, à primis incububilis dicendi seriente orditur. narrat parentes suos in idolorum semper cultu versatos, se ab illis ne baptizaretur, absconditum, monitumq. à parente venefica, ne vñquam ab aucto ritu discederet: se vero materna secutum consilia, Christianam simulasse fidem, filioq. semper animo ad pœnitentia sacramentum accessisse: dolere tamen factō, & grauiter angisdiuq. opportunitatem optasse, vt tot animi sordes vera confessione dilueret; sed timore perterritum alteri sese credere, præterquam Tepotzotlanis patribus numquā assum: quod ceteri ex tot scelerum ac flagitorum com memoratione ad iracundiam potius ac furorē, quam ad miserationem & lacrimas mouerentur: Tepotzotlani vero patres nihil mirarentur huiusmodi. Quid multa? baptismō tandem renatus, quem à Sacerdote nostro multis precibus impetravit; Sacramentisq. nouissimis confirmatus, extremum vitæ diem placida morte confecit. Sacerdos alius cum hæc eadem oppida peragraret, homines amplius centum, qui non tam matrimonij amore, quam voluptatis æstu, feminas sibi ipsi desponderant, & ad alienas flagitiose dinerterant; ad sanctitatem frugemq. traduxit. Oppidi cuiusdam incola, cum ad res diuinæ vix fustibus, ac ne vix quidem compelli à suo Parocho possent, Sacerdotem nostrum concionantem tamen bencuolis animis audierunt; vt præter assiduos fletus, quibus dicentem prosecuti sunt; postea secundū concio-



concionem, quotquot aderant vniuersi (innumerabilis enim turba conflux erat) perbeati sibi viderentur, si vel summis digitis prætereuntis vestimenta contingenterent.

XALATLACUM etiam & Guanaxuatu ad aurifodinas excusum est. quatuor hic menses habendis ad frequentem populum de re diuina sermonibus, componendisq. cum controversiis, tum conscientijs hominum, laboratum est. Xalatlaci autem eadem sedulitate diuina verba sunt facta. quo in loco ea fuit villarum atque Oppidorum in nostrorum aduentu latitia, ut frequenti campanarum pulsus festum agerent diem. Concurrebat Paganorum turba permulta, ut Christianæ fidei rudimenta perdisserent: nec pauci ad sobrietatem ac temperantiam ex diuturnis popinarum ac lustroru tenebris emerserunt. Sed quamquam iucundus fuit nostrorum aduentus, mora tamen multo iucundior, ut indicavit discessus: quem ea subsecutæ sunt lacrimæ, vi nisi nocturnis teclis tenebris emigrarent, plus dierum retineretur iniuiti. Sed ut se relictos senserunt à nostris, ecce tibi, alijs per omnes viarum aditus facto agmine ad quarendos reuocandosq. Patres accurrunt: alijs parant munera, unde morentur allektorū: alijs per litteras Archiepiscopi nutum & gratiam interponunt: alijs denique virginis & eo amplius millionibus peragratis, Rectorem adeunt, perfusiq. lacrimis eiusq. pedibus aduoluti, non prius supplicandi finem faciunt, quam in suam patriam Sacerdotem nostrum Mexico reuehant.

604

COLLEGIVM ANGELOPO.
litanum.

ANGELOPOLITANVM Collegium,
qua& Societatis in his locis existimatio est, una
Ciuium liberalitas alit. Praesunt scholis magistri
quatuor: tres erudiendis humanitate puerulis: quar
tus expediendis conscientiae nodis. & quamquam
discipulorum frequentia non deest, auget eam tamē
inchoatum quoddam ex adolescentibus Seminariū,
qui & doctrinis & moribus peccatis excolunt. bo
rum ad virtutem cursus saepe prouehit ad Cæno
bium: & vt probitate, sic commodis augmentur: Sa
cerdos enim inuentus est diues, qui annuos eis redi
tus aureorum mille in sempiternū tempus assiguet.
Iam rbi ab erudienda iuuentute discessimus, in reli
quos studia nostra conuertimus. Indi curantur in pri
mis, quorum magna turba opificijs lanæ, qua sunt in
ciuitate permulta, mancipiorum instar addicitur.
Hi festis anni diebus, vt ad pietatem informentur,
conueniunt ipsimet nostros; profestis autem adeun
tur à nostris. qua res quantæ fuerit utilitatis & glo
ria Dei, testata est animorum pene innumerabilis
expiatio. Ab his Ciuibus Indisq. domesticis ad ex
teros quoque et peregrinos Indos egredimur. Theu
tlalcum Prouincia quædam est impijs referta su
perstitionibus fictisq. Dijsshinc enim Theutlalci no
men accipit. hic se nostri rogatu Episcopi cum con
tulissent, non pauca Idololatriæ uestigia in abditis
antris



antris, excelsisq. collibus repererunt. nulla hic defuit de re christiana benemerendi facultas. fuit aspera & montuosa via, cum perniciosis infesta bestialis, tum calore maximo, assiduisq. interdum imbris peragranda: & quod caput est, in uberrimam reperta messe, acriter pro animis vigilandum. Septuaginta circiter populi ab uno dumtaxat Parocho & Sacerdote reguntur. ita (quod necesse est) alta inscitia nox, & crassissimae tenebrae in omnium animis versabantur. Magna colebatur Deorum varietas: compluresq. sacrificabant igni; qui præstantissimus esset, ut suas ille res pateretur intactas atque incolumes. alij in honore venationis Deos habebant: alij seminum ac nucleorum. Erant & apud eos verba quedam, quibus enuntiatis, cuiusvis generis antimantes feræ vltro veniebant ad manus. Ebrietas, iracundia, libido præcipiam sibi sedem & locum in eorum animis vendicabant. Indi nostrorum auditio nuntio, ingenti voluptate perfusi, confessim tubis, & buccinis occurrerunt: et repetito crebra per interualla sonitu ac clamore exceptos deduxerunt in oppida. E foribus valuisq. Templi, viri Principes ad osculandas Patrum manus, fertis redimiti rosis procedebant; & puerorum puellarumq. ducentes choros, pulsus pedum numerumq. vocum are capano modulabantur. atque hoc ornatus prodibant obuiam. Itaque tanta facta est nostrorum aduentu animorum voluntatumq. mutatio, ut Deorum, quos antea colebant, simulacula ad Patrum pedes abycerent atque prosternerent: odia ponerent, et p[ro]cis ac bene

benevolentiae scripta fædera, pœnis utrinque propo-
sitis, datisq. publice complexibus, confirmarent. Est
et ebrietati frœnum, quæ longe lateq. patebat, ini-
ctum: ut toto Paschatis tempore, id quod in miracu-
lis numeratur, ebrius nemo sit factus. Initia ratio-
nē, qua christianæ disciplinæ principia vel ab indo-
ctis ac rudibus tenerentur. Pacatae conseruatiæ mul-
torum, qui in tanta superstitionum cæcitate versa-
bantur, ut nec suas ipsi flagitiorum plagas inspice-
re, nec inspici sanariq. se paterentur ab alijs. Institu-
ta præterea frequens est supplicatio eorum, qui pie-
tatis nomine acriter se ipsi pulsarent: datusq. salu-
tis cibus innumerabili penè virorum ac feminarum
multitudini. qui cum ex intimo sensu diuinaq. dul-
cedine lacrimis ora complerent, et ad sacram men-
sam monilibus ornati roseis, coronisq. per pulchris
accederent; diemq. totum agendis bonorum omniū
auctori gratijs in templo constarent; sane quam in-
genti nostros perfudere letitia.

IN DOMO S. Crucis semper aliquid ad an-
morum et corporum utilitatem affertur. cum enim
vrbis haec à portu non procul absit, ijs qui vel in Hi-
spania, vel ex Hispania Mexicanum nauigant, nostro-
rum charitas in naui, in littore, in portu, in Hospitali
Domo semper est præstò. nam intuendis ciuiù com-
modis, quorum feci semper ob maritos æstus va-
letudo tentatur, adeo sedulo nostri versantur; ut nō-
nulli graues sæpe morbos et pericula incurvant.
Non minus oneris laborisq. suscipitur in animorum
periculis propulsandis. dat hanc facultatem Ciuitas
ipsa

ipsa ex Hispanis, Aethiopibus, Indisq. conflata: ubi rapinis ac furtis, vsuris ac fænerationibus cuncta miscentur. quibus tamen incommodis (ut sunt ple-

rique optime in nos animati) facile obuiam itur.

G V A X A C I etiam admirabilis mutatio mo-
tum Societatis aduentu consecuta est. Ponitur pre-
cipuum Studium in animorum Indorumq. tutela,
qui quamquam idoneum Pastorem minime deside-
rant, tamen, ut sunt præaclara erga nos voluntate,
nihil malunt vel aduersa valetudine vel secunda,
quam nostrorum ope præsidioq. iuuari. Hi cum an-
maduerterent Tēplum oppidi, ubi conciones habe-
bantur à nostris, & res diuina fiebat, nequaquam
satis accommodatum esse frequentia hominumq. ce-
lebritati; multo nobis ampliorem adem incredibili
letitia ac celeritate suis ipsi manibus exstruc-
runt. Locus est Mexicanæ, Capotecæ, Mixtecaq. In-
guis quam aptissimus perdiscendis: ubi Seminarium
è nostris institui possit, qui harum liguarum varie-
tate percepta, omnem postea huius Regionis ampli-
tudinem, maximo animorum quæstu percurrant.
Hispanorum par in Societatem amor, vi declarat
benignitas: quicquid enim necessitas exigit, cumula-
te suppeditant: aureosq. emendis dederunt adib⁹
mille quingentos. In curandis vero animis iuans
adhibent, ut hi vni satis occupatos impeditosq. nos
habeant.

I N M A N I L L A E Sede quintū iam en-
num varijs nostri muneribus distinentur. interimq.
dum incolarum sermonibus assuescunt, in qua re

plu-

plurimum studij operæq. consumunt; Hispanis, quorum in hac vrbe magna vis est, sese rotos imperiunt. Is est autem in his Insulis loci situs, ut de rebus, quæ uel Mexici, vel apud Sinas, vel etiam in Iaponia nostri gesserint, vicissim se per litteras docent: nec enim à Iaponia plus dierum octo, à Sinis vna nauigatione plus abest: ut non modo litteræ, sed ipsi quoque homines vltro citroque comenteant. Sinæ Sacerdos, et Mercator earum rerum fama permoti, quæ in Machani Xauquiniq. geruntur à nostris, è Chinchei Prouincia sponte hoc baptismi causa venerunt. hos Gubernator, ne propinquorum, qui mercaturæ causa Manillam celebrant, uultus iramq. subirent (hoc enim nomine ab ijs grauiter vexabantur) ad Mexicanum Archiepiscopum misit: hic autem erudiendos ad nostros. qui, ut valent ingenuo, nostras subito litteras, et catechismi partem arripuerunt, Hispanaq. verba complura: breui ut in Hispaniam eos Archiepiscopus mittat solenni ritu apparatuq. magnifico baptizandos.

PASCVARENSE COLLEGIVM.

PASCVARI Dei beneficio atque auxilio satis copiosus appetet domesticæ fructus industria. nam cum Patres non plus duo linguam tenebrent Indicam, nec tot tantisq. rebus pares vires afferreret; diuina liberalitas fecit, ut Sacerdotes ex ijs, qui ab Hispania superiore anno sunt missi, tam brcui

breui nacti sint linguam, ut nusquam maiore cum laude uideantur esse uersati. In eunte anno, eo die, qui est Regum ad Christum aduentu toto orbe Christiano nobilitatus, cū in æde nostra collocanda esset una cum sacrorum cinerum non paruo numero, Dei Parentis effigies; promulgatum est multo ante, ijs, qui expiatis rite mentibus interessent, publicum Iubilæum, quæ res tam multos è longinquis uarijsq. locis ad salutarem peccatorum confessionem conuocauit, ut in ijs audiendis tres totas hebdomadas assidia opera collocata sit. Ardentissima est omnium erga hanc Virginem pietas: solent agra puerorum corpora, quæ non ita multo ante ad ueneficas defreabant, nullo nunc alio medicamento, nisi uel auditis in Dei Matris facello Lyturgie mysterijs, recitatōq. Euangelio; uel benedictæ aspersione aquæ curare: quam Deus sæpe fidem multis restituenda salute remuneratur. Par studium in Ecclesiæ colendis mysterijs. nihil aq. dolent, ut eorum uicem, qui diem sine sacramentis obierint. Moriens ex partu mulier non tam suis doloribus angebatur, quam quod Sacerdotis copia, cui confiteretur, non eßet. Et quamquam grauioris sibi culpa conscia non eſſet, tamen à matre contendit, ut postridie ad Sacerdotem adiret, suoq. nomine aliquot ei noxas exponeret. postea iussit omnes tantisper abesse, dum datis in calum clamoribus, Deo ipsi confiteretur, atque hoc animi sensu, corporis oblita dolorum, lamentabiles inter voces atque singultus excessit. mater dolore amens, matutinis ad nos tenebris aduolat, suo filiæq. nomine con-

ne confessionem parat, suam vicem misera deflens,
cui sine confessionis sacramēto filia deceſſisset. Sed
vt Indorum pietatē in capiendis sacramentis Deus,
ſic noſtrorum in præbendis officium probari ſibi
non obscure ſignificat. Quidam cum ſine vlla ſpe
frugis omnem libidinum contumeliam turpitudi-
nemq. subiret, cæptus eſt diuino consilio, aſſiduo
quodam dolorum aſtu iaetari. noctu cum Dei Matrē
ſuppliciter imploraret, viſus eſt admoneri voce qua-
dam ex occulto miſſa, nullam leuationem morbi fo-
re, niſi ſeſe ad noſtros medicinæ cauſa confeſſeret.
paruit Indus, & ſanitatem corporis mentis integri-
tas ſubsequuta eſt. Indo alij cum moreretur uxor,
teſtamento mandauit, ut pecuniam ſua ex ueſte re-
dactam in ſacrificio Sacerdotibus erogaret. hanc
uir pecuniam ueſte uendita non exegit. interim iſ
quoque moritur, mandatis Coniugis non exhaustis.
nocte inſequenti cadauer laniatur à lupis, oſſibus
toto agro diſpersis, ubi humatum erat. hāc Indus
peramicus homini cum tranſiret, diligenter oſſa col-
legit, iterumq. ſepulchro condidit. poſtea ad placan-
dum defunctō numen, ſacrum funebre curat. con-
cubia nocte uiſus eſt in ſomnijs amicus, qui de ſepul-
tura gratijs aſtis, ſic, inquit, habeto, hanc mei cor-
poris dilacerationem nutu accidiſſe diuimo, quod ne-
gligenter coniugis mandata curarim. itaque tamdiſ
bis ego ignibus purgo maculam, quamdiu tu tua fe-
ceris diligencia, ut, quod aſ mulier imperauerat,
exigatur, & Sacerdotibus diuidatur. Experrectus
Indus cum ſe collegiſſet, idq. uiſum pro nihilo ha-
bendum

bendum esse duxisset, ipse quoque mortui mandata
contempsit. non ita multo post id iterum ab eo mo-
netur, & quidem irato atrocq. vultu. quo circa In-
dus timore perterritus nostros conuenit, enarratq.
somnium, eorumq. consilio exactis ab emptore pecu-
nijs, & pro vxore, & pro viro rem diuinam pro-
curat. ita quies est data mortuo, & somni veritas
comprobata. Indus alius, cui decesserat vxor, admo-
nitus ab ea est in quiete, ut sacrificium fieri a Sacer-
dote nostro iuberet sperare se eo posse subsidio, ab
ijs cruciatibus, in quibus tum detinebatur, absolu-
tus. Quod ipsu*n* uiri tam auide postulant, praesertim ap-
propinquante morte, ut in eo maximam sua salutis
spem sitam putent. Non erimus in his multi, que
proximis litteris testatissima iam debent esse. hoc
tantum dicimus, genus hoc hominum, ut egregia in
Deum pietate, ita singulari esse erga Dei ministros,
Societatemq. benevolentia. Multi uel è disiunctis
ad nos locis sola fama celebritate se conferunt: que
quidem fama non ad eos solum, qui Christiani iam
legi & institutis obtemperant, sed etiam ad hostes
Christianii nominis et Chichimecas penetrauit. Chi-
chimecae enim cum Hispanorum sanguinem sanguinem
eosq. assiduis excursionibus insectentur ac peri-
mant; illud tamen habent in ore, quicquid impere-
tur à nostris, se id omne facturos, nec recusatnos
quominus Christianos ab eis ritus et instituta peri-
cipiant. Non minor Hispanorum est in nos amor, qui
emolumenti nostri gratia de suis opibus multa de-
trahunt; nam præter ea, que in usus uitæ nostraræ
qua-

quotidie conferunt, pecunias etiam ad exstremendū amplissimum templū, laxandasq. tectorū angustias, superpeditarunt. Dum autē laxioris adfiscij foditur fundamenū, muliebre cadauer integrū, incorruptūq. repertū est, specie habituq. verendo: satis efficax argumentum Indicē probitatis: nā fieri id occulta aliqua loci natura non potuisse, intellectū est, cū ex alijs cadaueribus iuxta sitis, quae iam dies absumpfit, in cinerēq. redigitusq. ex testimonio decrepiti senis, qui in eo loco virginem olim quamdā sepultam esse dicebat, ex Indis illis, quae in Cenobio quodā ab Episcopo Vasco de Quiroga instituto, castimoniæ virtutūq. optimarū exercitatione custodiebātur: ut nobis quoque Deus, quos ad hæc tempora reseruauit, videatur hoc uoluisse prodigio, cum illius Episcopi, de quo proximo anno dicebamus, tum illorum temporum sanctitatem esse testatā. Iam ex pagis oppidisq. frumentis nō dissimiles extiterunt. Allata lux est multis, qui in magnis inscitiae tenebris versabantur: nā & qui nihil de pœnitentiæ sacramēto prope norāt, et qui in eo obcundo multa tetra ac nefaria, partim intēpitu quodā rubore, partim demonis terrore tacuerant; auditō Sacerdote nostro, ad expiandos sese rite animos contulerūt, et à vitiorū illecebris auocarūt. quorū ea turba fuit, vt in audiendis mulieribribus confessionibus diurna sāpe spatia, in virilibus nocturna tota cōsumerentur. Nec ea una fuit concionātis Sacerdotis utilitas. Mulier honesto loco nata, patrem cum audisset de vitiorum turpitudine differentem, vt perorauit, supplex sese ei ad pedes abiecit, Deo

N 2 gra-

gratulans immortali, quod deniq. naſta eſſet, qui ſciera in Deū admissa & per iniquo ferret animo, & orationis, qua par eſt, grauitate dānaret. ea enim, cū ludi festi q. populi dies, bacchanaliū more celebrari tur, mærore oppreſſa, quod tā multa peccarentur in Deū; in obſcurū ſe cubiculū abdidit, & ad lacrimas luctūq. conuertit. quo in recessu lucretum auxit repentinus Christi conſpectus, qui cū ſuā preſentiam ſemina declararet, talemq. ſe, vt quondā ab impīj ſuffi-
xus eſt cruci, crebriq. plagiſ cruentatus, oſtenderet, Animaduerte, inquit, quam me aspere hic populus traxeret? quibus verbis tanta ſe denuo lacrimarū copia perfudit, vt temperare mulier ſibi ipſa non poſſet. Alijs in pagis admirationem noſtris attulit ho-
minum pietas ac reuerentia, quæ cum in conſtendie ſua ſponte peccatis, tum in exequendis, quæ preſcri-
berentur a patribus, cerni licuit. ſiqua eis pan-
rum loco imperabatur inedia, ſiqua precatio, num-
quam ſe functos putabant officio, niſi verbera ieui-
nūj, voluntaria ſupplicia precibus miſceretur. Erat
vbiq. frequens vniuersi populi verberatio, ingens
vbiq. deſiderium noſtrorum, vbiq. populorum eſfu-
ſiones noſtris aduentantibus occurrentia: & ſuis
quisque muneribus oneratus, nō vulgarem graiani
miſignificationē dabat. Sacerdos ē noſtris muliſ re-
bus præclare gestis, cū domū reuerteretur, ecce tibi
obuiā mœſta fletibus mulier, quod falſo adulterij cri-
mine delata eſſet ad virū: cui mentē ſic abſtulerat
dolor, vt herbarum epoto ſucco, inieclisq. ſibi ligō-
ne plagiſ, propositoq. laqueo, funeris ſibi molire-
tur

tur exitium: sed cum horum nihil diuina voluntate procederet, statuit in recessu aliquo sese inedia sumeq. confidere: iamq. biduum tenero cum filio, nullo cibo potuq. transegerat, cum commodum pater a fuit, & mulieri persuasit, ut suæ vitæ parceret, & secum ipsa rediret in gratiam. Huiusmodi sunt, quæ in his agris pagisq. geruntur: ac nisi nostrorum numerus tam esset exiguus, melius cum animis age retur: amplissimus enim non ad augendam modo Christianos apud populos Christi legem, sed ad inferendum quoque inter frequentes & vicinos ethnicos Euangelium, patet campus.

Ad nouæ Galitiæ urbem, ubi Regium Senatorum tribunal est, assidua Episcopi postulatione patres duo, uno fratre comite missi sunt. Horum etiam totus utilis labor fuit: excitarunt animos ciuium, & clerum uniuersum ad omnem laudem decusq. pietatis: nec quicquam Ciuitas ipsa tam optat, quam Societas in urbe Collegium: redditusq. ad eam rem non tenues, nec incommodos defert: sed nostrorum paucitas facit, ut quāvis magnus in hac regione campus strenuissimi cuiusq. laboribus se aperiat; tamen cogitandum potius Societati sit, quemadmodum receptas sedes domosq. tueatur, quam ut de nouarum sedium possessione laboret.

MISSIO AD CHICHIMECAS.

AD CHICHIMECAS populos, barbarerum genus hominum & inhumanum profecti sunt duo, ut eos ad humanitatis partem aliquant.

N. 3 TENOCA-



reuocarent: nam quamuis quindecim passuum milibus non plus distent, tamen qui ad eos ex Euangelij ministris velint accedere, & periculis se oppondere, paucissimi reperiuntur: arcent enim sua feritate ministros; compluresq. quamquam verbo Christiani sunt, vita tamē et moribus prorsus ethnici. multisq. in locis Christianæ legis doctorem, vigesimum iam annum non riderunt: alij vero post suscepimus in ortu baptismum, ne verbum quidem de animorum salute, rebusue cœlestibus acceperunt. alibi contentiones, dissidia, cœdes honoris loco ducebantur. apud alios ebrietas, ac libido non tam virtio ac dedecori, quam virtuti ac laudi vertebatur. alij nefarijs superstitionibus implicati tantis inscitiae tenebris vrebantur, ut cum ad eos nostri venerunt, in densissimam sibi viderentur Aegypti noctem ac tenebras descendisse. sed qui potens est suscitare de lapidibus filios Abrāhæ, is cœpit Euangelij lumine, visitatisq. sacramentorum praesidijs, omnes demonis fallacias machinasq. dissoluere. Quia in re ita cum nostri habuere propitium, vt suo aduentu omnia longe lateq. incenderint ac permutarint. accurrerant audiissime populi ad catechismum & concionem: nec quicquam tam diligenter curabant, quam vt diuina mysteria rite & cum laude susciperent. quamquam ne Dei quidem testimonia, quibus vel nostrorum labores, vel Euangelij veritatem comprobauerint, defuerunt. Indus vino deditus, cum Pœnitentia beneficio naturam tandem vicisset, & ad sobrietatem se reuocasset, canidum

didum dicitur adolescentem per quietē vidisse, qui eum prehensa manu ad compotatorum cætum conuiuumq. deduceret: ibi animaduertisse eorum, quæ accumbebant vultus, primo quoque poculo hausto, mutari deformatosq. fieri: qui vero pergeret perpotare, et crebris poculis indulgerent; eos fædissimo ore simillimosq. dæmonum euadere: dixisseq. adolescentem, tales effici eos, quise vino & ebrietatibus dedissent: Indus autem sobrius esse capisse, & incredibilem quemdam temperantia amorem animo concepiisse. Sed ut huius Deus intemperantiā ebrietatemq. blando placidoq. viso, sic alterius libidinem tetris spætris plagisq. sanauit. Alebat hic domi sua in oculis coniugis concubinam, non tam Venerem ut expleret, quam ut coniugem irritaret. huic nocturnas per tenebras visam esse aiunt horribile cateruā dæmonum, qui cubantis prementes fauces, animam intercluderent: ut ne manum quidē admouere posset ad imprimendum pectori crucis signum: verum implorata à coniuge, Dei Matre, melius ei esse factum. postero die venit Indus ad nostros, positisq. rite noxis, sic deinceps est immutatus, ut nō cognoscas eum dē esse. Alij quoque cum diu multūq. à recto itinere aberrassent, partim pænitētia beneficio, partim visis quibusdā retulerunt pedem, & se in viam renocarunt. Indus uero, qui ad omnem improbitatem dæmons duce peruenérat, toto corpore contremiscens ad Sacerdotem nostrum adiūt; rogatusq. à patre, quæ causa esset tantæ formidinis, cum lacrimis fletuq. respondit, superiore nocte uisum à se

N. 4 dæmo-

dæmones truci vultu, qui se ad inferorum incædia
conarentur abripere; sed precibus ad Dei Matrem
fusis, & salutari signo crucis expresso, ex eorum ma-
nibus evasisse. Iure suo hunc dæmones ad tartara
rapiebat: dederat enim se eis Indus, ijsq. auctori-
bus, sublata omni salutarium rerum memoria, præ-
ceps per vitia more pecudum vagabatur, nullum
non scelus meditans ac flagitium, donec errantem
ouem bonus pastor ad sua septa reduxit. Is postea
sæpius laetum venit confessione peccata, & nunc
tantò melioribus studet moribus, quantò ante vi-
tij fædioribus urgebat. Inda vero morbo pesi-
fero intabescens, cū Deū multo ante precata esset,
ne prius animus corpore, quā confessione sceleribus
solueretur; simul ac peccatorum vincula laxauit, cor-
poris quoque vinculis est soluta. nunc ea regione
fruitur, ut speramus, in qua nec morbos umquam
sentiet, nec interitum pertimescat. Atque in
hoc cursu Mexicanæ res nostræ sunt: es-
sent etiam in meliore, nisi ager hic
alias operas cultoresq.
requireret.



P.R.O.